

**ԵՊՀ Սահմանադրական իրավունքի ամբիոնի վարիչ,
Սահմանադրական բարեփոխումների հանձնաժողովի անդամ,
իրավաբանական գիտությունների դոկտոր
Գևորգ Դանիելյանին**

Հարգելի պարոն Դանիելյան.

Կարդալով Ձեր հարցազրույցը «Գոլոս Արմենիի» (23 հուլիսի 2015 թ.) թերթում՝ «Քաղաքացիները հակակշիռ կդառնան Խորհրդարանին», ես հիշեցի հետևյալ խոսքերը՝ Նոր Կտակարանից. «Երանի նրանց ուրբեր չեն տեսել, սակայն կհավատան»:

Մի՞թե Դուք իրոք հավատում եք, որ իշխանությունը թույլ կտա քաղաքացիներին հակակշիռ լինել իրեն:

Օրինակների համար հեռուն գնալ պետք չէ: Խնդրում եմ հիշեք, թե արդարադատության նախարար եղած ժամանակ ինչպես էիք ՀՀ Ազգային ժողովում «ուզում անցկացնել» «ՀԿ-ների մասին օրենքում լրացումներ կատարելու մասին» «կիսահում» օրինագիծը: Այդ օրինագծին դեմ էին արտահայտվել 200-ից ավելի հասարակական կազմակերպություններ, սակայն Դուք մնացիք անդրդվելի:

Բայց այդ մասին ավելի ուշ: Խոսենք սահմանադրական բարեփոխումների նախագծի մասին:

Որպես մեր հասարակության սովորական քաղաքացի, չմասնակցելով որևէ քաղաքական կամ հասարակական շարժման, դիմում եմ Ձեզ՝ խնդրելով պատասխանել ստորև հարցերին. արդյոք սահմանադրական բարեփոխումների նախագիծն ապահովո՞ւմ է հետևյալ չափանիշները.

- Պետության անկախություն.
- Պետության տարածքային ամբողջականություն.
- Ազգային ինքնություն.
- Պետական և հասարակական կարգի ժողովրդավարացում.
- Երկրի քաղաքացիների ապահովություն ինչպես երկրի ներսում, այնպես էլ նրա սահմաններից դուրս.
- Քաղաքացիների հիմնարար ազատությունների պաշտպանություն.
- Մարդու իրավունքների պաշտպանություն.

- Շրջակա միջավայրի պաշտպանություն և պետության ջրային, հողային և բնական պաշարների օգտագործման արդյունավետություն.
- Երկրի ազգային անվտանգություն հասարակական-քաղաքական և հոգևոր-մշակութային ոլորտներում:
- Իշխանության համապատասխան ճյուղերի իրական բաժանում և անկախություն (հատկապես դատականի ճյուղի):

Արդյո՞ք հանրային լայն քննարկման ներկայացված սահմանադրական բարեփոխումների նախագիծն ընդհանուր առմամբ բավարարում է «անհրաժեշտ և բավարար» պայմանին:

Ձեզ շատ երախտապարտ կլինեի սպառնալից պատասխանների համար, սակայն խնդրում եմ խուսափել ամբոխահաճո ոգուց: Հուսով եմ, որ Դուք՝ որպես սահմանադրական բարեփոխումների նախագծի համահեղինակ, կարող եք լիարժեք պատասխաններ տալ ներկայացված հարցերին:

Բացի այդ, երկրի համար հիմնարար փաստաթղթի նախագծի քննարկումը պետք է իրականացվի մեր գոյության բոլոր ոլորտներում:

Փորձը ցույց է տալիս, որ ՀՀ հիմնական օրենքը՝ Սահմանադրությունը, տասնամյա պարբերականությամբ բարեփոխվում է: Ակնհայտ է, որ ժամանակակից արագ փոփոխվող աշխարհում Հիմնական օրենքի նման հաճախակի բարեփոխումը կարելի է ինչ-որ կերպ հիմնավորել: Սակայն, ի հայտ է գալիս մեկ այլ խնդիր՝ ունա՞կ է արդյոք մեր հանրությունը, և ամենակարևորը՝ ազգի վերնախավը կազմող նրա հասարակական-քաղաքական և պետական ու տնտեսական հատվածը, ընդունել և անառարկելիորեն իրականացնել բարեփոխված ՀՀ Սահմանադրության «տառն ու ոգին»:

«Շնորհիվ» այդ, այսպես կոչված, էլիտայի, մենք իրականում ունենք այն, ինչ ունենք...

Գալիք տասը տարիների ընթացքում ոչ մի պատժամիջոցով հնարավոր չէ փոխել հասարակությունը, և ամենակարևորը, փոխել նրա վերաբերմունքը իշխանության նկատմամբ:

Ձեր կանխատեսումներով մեր հասարակությունը կարող է վերածնվել և արմատախիլ անել այնպիսի թերություններ, ինչպիսիք են թալանը, կոռուպցիան, գավառականությունը, տեղայնությունը, ցեղա-ընտանեկան երաշխավորությունը, հովանավորչությունը, արհեստավարժության ցածր մակարդակը, ամենաթողությունը և այլն, որոնք ներկայումս այդքան բնորոշ են մեր վերնախավի ճնշող մեծամասնությանը և օրինակ են ծառայում հասարակության մնացած մասի համար:

Եվ ի՞նչ, փոխելով Սահմանադրությունը, մենք կփոխե՞նք ստեղծված իրավիճակը: Այսինքն, միանգամից.

- Որակապես կփոխվի՞ հասարակական-քաղաքական «բոմոնդը»:
- Կգտնվի՞ բարձրաստիճան պաշտոնյա, որն իր սեփական կամքով հրաժարական կտա իր հակաօրինական գործունեության համար:
- Բարձրաստիճան պաշտոնյաները կսկսե՞ն անձնական պատասխանատվություն կրել իրենց անօրինական գործողությունների համար:
- Բյուրոկրատական խավը կդադարեցնի՞ օգտագործել պետական միջոցները հանուն իր պատվամոլության և հարստացման:
- Եվ այլն:

ՀՀ Սահմանադրությունը պետք է իրականացվի առանց ստորադասական եղանակի (սա քերականությունից է):

Հայրենական հասարակական-քաղաքական և պետական ու տնտեսական վերնախավը սովոր չէ անկեղծորեն, առանց կեղծիքի, խոսել ժողովրդի հետ: Նա ապրում է այլ հարթություններում, որտեղ ՀՀ Սահմանադրությունը երկրի Հիմնական օրենքը չէ, և յուրաքանչյուր պաշտոնյա պարտավոր է հարգել և գործնականում իրականացնել իր՝ վերնախավի պահանջները:

«Մեծ հաշվով» սովորական բնակչին քիչ է հետաքրքրում, թե ինչ ձևով է իրականացվում երկրի կառավարումը՝ խորհրդարանական թե՞ նախագահական: Նրա միակ խնդիրն է՝ արդյոք պետությունը՝ հանձին գործադիր իշխանության, ի գործու է լինել իր ազատության և իրավունքների երաշխավորը:

Հ.Գ. Երկրում մշակվել է մի պրակտիկա, երբ որոշ հիմնարար օրինագծեր ուղարկվում են Վենետիկի հանձնաժողով («Ժողովրդավարություն՝ իրավունքի միջոցով» եվրոպական հանձնաժողով): Այդպես է եղել ՀՀ Սահմանադրության բոլոր նախորդ նախագծերի հետ: Հետաքրքիր է, արդյոք մեր փորձագետներին բացատրո՞ւմ ենք՝ երկրի Հիմնական օրենքի նման հաճախակի փոփոխությունների էությունն ու պատճառները:

Անկեղծ հարգանքով՝

Լևոն Ներսիսյան

Սախարովի կենտրոնի տնօրեն